

# حقوقی بیکسیر مجموعہ سی

آئندہ بر نشر اول نور

# محکمه اصلیه اوچنجی حقوق محکمه سی

اعلام نومروسى  
۴۱۷

تاریخی  
۲۱ تشرین اول ۹۲۶

مدعى : واردات مخصوصه اداره سی : مدعى علیه : تجار دن پ ؛

خلاصه : اشترا ایتدکاری قامیونک آتجق معاملات تجاریه به صرف ایدمه جکلرینه داتر تجار طرفندن بانقله له و بریلان تعهدنامه لر نسبی پوله تابع دکلدر .

انکایز و سائر اجنبی پاره سی اوزرندن احتسکار یاپیلما مسنی تأمیناً بورس قومیسر لکنجه متخذ تدابیر آراسنده بانقله لردن قامیو اشترا ایدن تبارك بواجنبی پاره سی صرف احتیاجات تجاریه به حصر ایدمه جکلرینی و بو صورته صرف ایتدکاری فاطوره و سائر وثائق تجاریه و معتبره ایله اثبات ایدمه جکلری تعهدینی محتوی ورقه لری امضا ایتملری لزومی بانقله له تبلیغ ایدلمش ایدی . واردات مخصوصه مفتشلی بر بانقله نك انشای تفتیشنده پ . افندی نامنده بر تاجر طرفندن اشترا ایدیلن اون قلمده مقدار معین بلچیقاً فرانكك صرف احتیاجات تجاریه به استعمال ایدیه جکی تعهدینی حاوی امضا ایتدیکی ورقه له تصادف ایله مشر و مبلغ معینی حاوی اولان بو ورقه لرده کی بلچیقاً فرانکی تورك پاره سنه تبدیل ایدیه لك رسم تمغا قانونكك ۹ نجی ماده سنك ۱۷ نجی نومروسنك دلاتیه قانون مذکورك ۱۵ نجی ماده سی موجبجه نقصان رسم تمغا اولان ۴۳۸۸ غروش ایله قانون مذکورك ۳۸ نجی ماده معدله سی و عفو عمومی قانونی موجبجه مذکور رسم تمغانك جزای تقدیمی اولان ۴۰,۵۹۰ غروش كه جمأ ۴۴۹۸۳ غروشك مذکور تجار دن تحصیلی محكمه اصلیه اوچنجی حقوق دائره سنده دعوی ایدیه لك محكمه مومی الیها بوجه طلب مذکور تجاری مبلغ مدعایی تأدیه به محكوم ایله مش ایدی . مدعى علیه طرفندن تمیز دعوا ایدلمش اولمغه محكمه تمیز استدعا دائره سندن ۳ شباط سنه ۹۲۶ تاریخنده صادر اولان قرارده [ مدعابه ورقه لك علی الاصول مبايعه ایدیلن اوراق نقدیه لك بورس هیئتنجه متخذ قراره توفیقاً آتجق خارجدن کتیریه جك امتعه بدله مقابل صرف ایدیه جکی تعهدینی متضمن اولوب هر هانکی بر خصوص دولایسیله بر مبلغ معینك اعطاسی تدبیر و تعهد ایدله مش اولسنه نظراً اوراق مذکوركك مبلغ معینی حاوی اولوب اولمادینی موضوع بحث و مذاکره ایدیه لك بو خصوص حقه بر قرار ویرلمی و ورقه لردن بعضیسنك تاریخ تنظیملری اعتبارله ۲۹ ایلول ۳۳۶ تاریخی قانونكك بشنجی ماده سی موجبجه تزیلات اجرا ایدلد کدن بشقه آریجه عفو عمومی قانونی

موجب شده تزیلات اجراسی لازمکلوب کلیه جکینک تأمل ایدلسی اقتضا ایدر ایکن بو  
جهتلردن ذهول ایدلمسندن ناشی [اعلام ابتدائی نقض ایدلمش ایدی. محکمه اصلیه اوجنچی  
حقوق دائره سنده مسئله تکرار تدقیق ایدلدکده قرار تمیز واجب الاتباع کورلدیکسندن  
قرار تمیزه بالتبعیه مدطابه ورقه لرلدی القرائه مذ کور ورقه لر تواریخ مختلفه ده تنظیم و کذلک  
تواریخ مختلفه ده تسلیم ایدلمک اوزره ۷۳، ۱۱ رایج اوزریدن (۵،۰۰۰) دها آز دها  
زیاده فیلورین بیع وفروخت ایدیلوب اولباده کی قراره توفیقاً اشترا اولونان امتعه بدلنک  
مبلغ مذ کور ایله تأدیه ایدیله جکی ومذ کور امتعه نک ادخالانک قونشمئتو فاطوره کبی  
اوراق ووثائق دخی مدت مذ کوره ظرفنده تودیع ایدیله جکی تعهداتی ناطق اولوب  
یوقسه هر هانکی بر خصوصدن دولای بر مبلغ معینک اعطاسی تدین وتعهد ایدلماش  
اولسنه نظراً اوراق مذ کوره بر مبلغ معینی حاوی تعهد سندی ماهیتده اولیوب انحق  
مذ کور ورقه لر یالکسر آله حق امتعه بدلنه صرف ایدلمک ومذ کور امتعه نک ادخالنی  
تأمین ایچون فاطوره وقونشمئتو کبی اوراق تجاریه بی وقت معینده تسلیم ایلک تعهدینی  
احتوا ایتکده اولسنه مبنی تاریخ تنظیملرینه نظراً رسم تمغا قانوننک ۹ نجی ماده سنک  
۱۷ نجی نومروسی موجبجه بهرینه الصاق ایدلسی لازمکن آلتیشر غروش رسم تمغا  
ذاتاً الصاق ایدلمش بولمسنه بناءً واردات مخصوصه اداره سنک فضله رسم تمغا وجزای نقدی  
طلبنه دائرمذ کره سنک ابطالیه معترضه قارشوواقع معارضه سنک منعه ومصارف محاکمه نک  
اداره مذ کوره یه تحمیلنه ۲۴ تشرین اول سنه ۹۲۶ تاریخنده متفقاً قرار ویرلدی.

• •

[ بر رقم و مبلغی محتوی هر ورقه بی مبلغ معینی حاوی سند کبی تلقی ایدهرک جمله سنه  
نسی پول الصاقی ایسته مک دیون عمومیه مفتش لرینک اعتیادلری اقتضاسندن اولوب بعض  
محاکم سندانک شکل ظاهر یسنه باقهرق بونظریه بی تجار علیهنه قبول وتطبیق ایتکده ایدیلر؛  
محکمه تمیزک بونظریه سیله وضع ایدیلن پرنسب پول الصاقی خصوصنده اوراقک بر مبلغ  
ورقی محتوی اولماسنی دکل احتوا ایتدیکی تهدهک ماهیتنی نظر اعتباره آفاق لزومی  
آمردر؛ بواجتهادک محاکم اصلیه جه اساس اتخاذ ایدلسی وپول جزای تقدیلرینک حین  
محاکمه سنده موضوع بحث اوراق محتویاتنک روح معناسنه کوره تدقیق شایان تمئیدر .

[ غ . ف ]